

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 120. sjednici, održanoj 06.03.2026. godine, d o n o s i

ZAKLJUČAK

I

Daje se saglasnost Ministarstvu unutrašnjih poslova da Filozofskom fakultetu Univerziteta u Zenici ustupi bez naknade korištenje zatvorenog bazena sa pripadajućim prostorijama u objektu Centra za edukaciju policijskih službenika, smještaj i rad Specijalne policijske jedinice i Centralne arhive za potrebe lokacije za izdavanje ličnih dokumenata u Zenici ulica Goraždanska bb i zaključi Ugovor o posluži koji je sastavni dio ovog zaključka, radi realizovanja nastave plivanja u ljetnom semestru akademske 2025/2026. godine.

II

Za realizaciju ovog zaključka zadužuje se Ministarstvo unutrašnjih poslova.

III

Zaključak stupa na snagu danom donošenja.

Broj: 02-_____/26
Datum, 06.03.2026. godine
Zenica

PREMIJER

Nezir Pivić

DOSTAVLJENO:

1x Ministarstvo unutrašnjih poslova,
1x a/a.

PRIJEDLOG

Shodno Zaključku Vlade Zeničko-dobojskog kantona broj:_____ od_____2026. godine,

1. Ministarstvo unutrašnjih poslova Zeničko-dobojskog kantona (u daljem tekstu: Poslugodavac)

i

2. Filozofski fakultet Univerziteta u Zenici, (u daljem tekstu: Poslugoprimac), dana _____, zaključuju:

☐ UGOVOR O POSLUZI

Član 1.

Poslugodavac daje Poslugoprimcu na posluhu zatvoreni bazen sa pripadajućim prostorijama (svlačionice za presvlačenje) u Centru za edukaciju policijskih službenika, smještaj i rad Specijalne policijske jedinice i Centralne arhive za potrebe lokacije za izdavanje ličnih dokumenata.

Član 2.

Predmet posluhe iz člana 1. ovog ugovora se daje bez naknade na period trajanja ljetnog semestra akademske 2025/26. godine.

Član 3.

Ugovorne strane su saglasne da se predmet posluhe iz člana 1. ovog ugovora koristi isključivo za potrebe izvođenja nastave plivanja na studijskom programu Tjelesni odgoj i sport Filozofskog fakulteta Univerziteta u Zenici.

Član 4.

Poslugodavac se obavezuje da poslugoprimcu omogući nesmetano korištenje predmeta posluhe jedanput sedmično u terminu od 16:00 do 20:00 sati.

Član 5.

Poslugoprimac se obavezuje da će poslugodavcu staviti na raspolaganje spisak studenata i odgovornih osoba za izvođenje nastave plivanja studijskog programa Tjelesni odgoj i sport, te da će u slučaju izmjena blagovremeno obavijestiti komandira Specijalne policijske jedinice.

Član 6.

Poslugoprimac je dužan predmet posluhe upotrebljavati s pažnjom brižljivog i dobrog domaćina, zbog čega su ugovorne strane saglasne da će poslugoprimac odgovarati za sigurnost i bezbjednost studenata, te eventualnu štetu nastalu uslijed nepažnje ili pogrešnom upotrebom predmeta posluhe.

Član 7.

Ovaj ugovor može prestati i prije ugovorenog roka, ukoliko poslugoprimac ne čuva pažljivo predmet posluge ili ako isti upotrebljava suprotno ugovorenim obavezama.

Član 8.

Ugovorne strane će sporna pitanja pokušati rješavati dogovorom, a u slučaju spora koji bi proizašao iz odredbi ovog ugovora, nadležan je Općinski sud u Zenici.

Član 9.

Ovaj ugovor stupa na snagu danom potpisivanja i sačinjen je u četiri (4) istovjetna primjerka, od kojih svaka strana zadržava po dva (2).

POSLUGODAVAC
Ministarstvo unutrašnjih poslova
Zeničko-dobojskog kantona
Univerziteta u Zenici

POSLUGOPRIMAC

Filozofski fakultet

